



north wales economic ambition board
bwrdd uchelgais economaidd gogledd cymru

ADRODDIAD I FWRDD UCHELGAIS ECONOMAIDD GOGLEDD CYMRU

12/06/2020

Teitl: Adroddiad Alldro a Ffurflen Flynyddol 2019/20

Awdur: Dafydd L. Edwards, Swyddog Cyllid Statudol yr Awdurdod Lletya

1. Pwrpas yr Adroddiad

1.1 Pwrpas yr adroddiad hwn yw darparu sefyllfa alldro terfynol 2019/20 i Fwrdd Uchelgais Economaidd Gogledd Cymru a chael cymeradwyaeth i'r Ffurflen Flynyddol Swyddogol ar gyfer 2019/20.

2. Y Penderfyniad a Geisir

2.1 Nodi a derbyn Cyfrif Incwm a Gwariant Refeniw y Cyd-bwyllgor ar gyfer 2019/20 (Atodiad 1).

2.2 Cymeradwyo Ffurflen Flynyddol Swyddogol y Cyd-bwyllgor ar gyfer 2019/20 (amodol ar Archwiliad Allanol), yn unol â'r amserlen statudol, sef 15 Mehefin 2020. Mae wedi'i gwblhau a'i ardystio'n briodol gan y Swyddog Cyllid Cyfrifol, sef Pennaeth Cyllid Cyngor Gwynedd fel Swyddog Cyllid Statudol y Cyd-bwyllgor (Atodiad 2).

3. Y Rhesymau dros y Penderfyniad

3.1 Rhoi gwybod i'r Cyd-bwyllgor am ei sefyllfa ariannol ar gyfer 2019/20 a chydymffurfio â'r gofynion statudol yn nhermau cwblhau'r Adroddiad Flynyddol.

4. Cefndir ac Ystyriaethau Perthnasol

- 4.1 Bydd y cyfrifon a'r adroddiad yn destun archwiliad gan Deloitte, archwilydd allanol Cyngor Gwynedd a benodwyd gan Archwilydd Cyffredinol Cymru. Pe byddai angen unrhyw newidiadau, caiff fersiwn diwygiedig ei gyflwyno i gyfarfod y Cyd-bwyllgor ar 31 Gorffennaf 2020.
- 4.2 Yn dilyn yr archwiliad ac yn dilyn unrhyw newidiadau angenrheidiol, bydd cynrychiolydd yr Archwilydd Cyffredinol yn ardystio'r adroddiad cyn 15 Medi 2020.

5. Gwariant ac incwm yn 2019/20

- 5.1 Mae Atodiad 1 yn dangos y Cyfrif Incwm a Gwariant Refeniw ar gyfer 2019/20, ac mae hyn yn cyfateb â'r ffigyrau yn y Ffurflen Flynyddol a ddangosir yn Atodiad 2.

Swyddfa Rheoli Rhaglen

- 5.2 Y tanwariant terfynol dan y pennawd hwn yw £143,486. Mae cynnydd yn y tanwariant ers yr adolygiad trydydd chwarter, yn sgil y ffaith nad yw'r gwariant ar baratoi achosion busnes y rhaglen yn dechrau tan 2020/21.

Gwasanaethau Cefnogol y Corff Atebol

- 5.3 Y tanwariant terfynol dan y pennawd hwn yw £32,804 o ganlyniad i ostyngiad yn y gwariant ar wasanaethau cefnogol y Corff Atebol (yr awdurdod lletya).

Cyd-bwyllgor

- 5.4 Y tanwariant terfynol dan y pennawd hwn yw £16,703, yn bennaf o ganlyniad i ostyngiad yn y gwariant ar y Ffi Archwilio Allanol a'r Bwrdd Cyflawni Busnes.

Cyfraniadau Ariannu

- 5.5 Mae llythyr cymeradwyo y Gronfa Gymdeithasol Ewropeaidd (ESF) Blaenoriaeth 5 wedi'i dderbyn ym mis Mai 2020. Gan nad oedd wedi'i dderbyn cyn 31 Mawrth 2020, nid yw incwm y grant ESF yn cael ei ddangos yng nghyfrifon 2019/20. Felly, caiff ei hawlio'n ôl-weithredol yn ystod 2020/21 a'i ôl-ddyddio i 1 Gorffennaf 2018.

- 5.6 Roedd y sefyllfa ariannol ar 31 Mawrth 2020 yn dangos tanwariant o £161,316 ac mae hwn wedi'i drosglwyddo i gronfa wrth gefn wedi'i chlustnodi i roi gweddill o £497,529 a fydd ar gael i ariannu costau unwaith ac am byth yn y dyfodol.

6. Goblygiadau Cyfreithiol

- 6.1 Noda Adran 12 Deddf Archwilio Cyhoeddus (Cymru) 2004 bod Cyd-bwyllgor o ddau neu fwy o awdurdodau (lleol) yn gorff llywodraeth leol, ac mae Adran 13 y Ddeddf yn mynnu bod y cyrff hyn yn cynnal cyfrifon sy'n ddarostyngedig i archwiliad gan archwilydd allanol a gymeradwyir gan Archwilydd Cyffredinol Cymru.
- 6.2 Mae Rheoliadau Cyfrifon ac Archwilio (Cymru) (Diwygio) 2018 yn mynnu bod yr holl Gyd-bwyllgorau yn paratoi cyfrifon diwedd blwyddyn. Os yw'r trosiant yn llai na £2.5m, pennir bod y Cyd-bwyllgor yn "gyd-bwyllgor bach" a rhaid paratoi ffurflen flynyddol yn unol ag arferion priodol fel yr amodir drwy ddeddfwriaeth.

7. Ymgynghoriadau a gynhaliwyd

- 7.1 Adroddwyd sefyllfa'r tanwariant i'r Grŵp Gweithredol ar 15 Mai 2020.

8. Atodiadau

Atodiad 1 - Cyfrif Incwm a Gwariant Refeniw ar gyfer 2019/20.

Atodiad 2 – Ffurflen Flynyddol ar gyfer y flwyddyn a ddaeth i ben 31 Mawrth 2020 (amodol ar Archwiliad Allanol), ond sy'n cynnwys sylwadau Archwilio Mewnol.

YMATEB Y SWYDDOGION STATUDOL:

- i. Swyddog Monitro - Corff Atebol:**
Dim sylwadau i'w hychwanegu ynglŷn a priodoldeb.
- ii. Swyddog Cyllid Statudol - Corff Atebol:**
Awdur yr adroddiad hwn.